

13-D17-Sy أنت بس ارجع!

عماد: ألو! مرحبا غسان. كيفك؟ شو أخبارك؟
غسان: أهلين عمادو! كيفك أنت؟ نحنا كثير مناح الحمد لله. وإنت كيف أحوالك؟ شو أخبارار شغلك؟
عماد: أنا كثير منيح. الحمد لله. بس أخبارك شغلي مو منيحة.
غسان: ليش؟ خير إن شاء الله.
عماد: والله الشركة اللي بشتغل فيها قررت تفصل عشرة بالمائة من الموظفين. وأنا واحد من اللي رح تفصلهن الشركة.
غسان: له له له! شو هالخبر هاد؟ طيب وشو السبب؟
عماد: يعني مثلما بتعرف، الحالة الاقتصادية بأميركا تعبانة كثير. وفي شركات كثيرة عم تفصل موظفيها.
غسان: طيب وشو رح تعمل هلا؟ ما ممكن تلاقي وظيفة بشركة ثانية؟
عماد: يعني. بظنّ ممكن لاقى وظيفة. بس أنا عم فكر أرجع على سوريا.
غسان: شو هالحكي هاد؟ في حدا بيكون عندو وظيفة بأميركا وبيفكر يرجع على سوريا؟
عماد: بيني وبينك، تعبت من الغربة. وبعدين ما بدي روح من وظيفة لوظيفة، ومن ولاية لولاية. بدي استقرّ وأعمل شغل خاص. والوظيفة

هون ما إليها مستقبل.

غسان: الله معك حق. وأنا كمان عملت شغل خاص صغير عالإنترنت.
والحمد لله كلو تمام.

عماد: والله هاي أخبارك حلوة كتير. طيب وظيفتك القديمة، خلصت منها؟

غسان: لا، شو خلصت مها؟ أنا بعدني بشتغل بنفس وظيفتي القديمة.
بس هاد شغل إضافي.

عماد: برافو عليك. طيب، يعني برأيك، في فرص مناسبة للشغل بالشام؟

غسان: أنا بظنّ إنو إذا الواحد عندو مصاري ففي فرص كتير مناسبة. وأنا
بشجعك على إنو ترجع وتستقرّ هون. وأنا معك إذا بدك إية مساعدة.

عماد: يسلم إيديك. إنت ما في متلك.

غسان: عمادو، إنت بس إرجع وكل شي هون حيكون تمام رإذن الله.

عماد: طيب. يرجع بحكي معك.

غسان: طيب. ماشي.

عماد: باي.

غسان: باي.